

四庫全書

集部

欽定四庫全書

集部

石倉歷代詩選卷四百九十五

詳校官石中允臣薩敏

侍讀臣孫球覆勘

總校官進士臣朱鈐

校對官中書臣方大川

謄錄監生臣張元功

欽定四庫全書

石倉歷代詩選卷四百九十五

明 曹學佺 編

明詩次集一百二十九

謝承舉

美人隔秋水

美人隔秋水可望不可即  
空有木蘭舟未得西風力  
維舟杜若洲汀花好顏色  
見花如美人采采轉憂惻  
我心

傷所思耿耿情何極  
水流深且長安能有羽翼佳期會  
當來惟以永相得

書廣陵天寧寺北舍

浮舟出淮水飄風吹我裳  
未憩遠歸身輒束前時裝  
長江渺何許東南指丹楊  
白雲復依依黃流浩湯湯  
爰止阻凌颿暫留招提房  
入門遇嘉友懽娛羅酒漿  
哦詩口不輟讀書名未揚  
投懷二十年開言謝肝腸  
滿斟更添酌一勸累十觴  
蕙露下空砌松月輝長廊  
坐久更漏沉醉來形役忘

九日感興次元遺山九日讀書用陶靖節原韻  
我昔遊楚湘登高岳麓邊紅顏映綠水青娥在樓船笑  
擲黃金杯醺醺來如泉纖纖弄花枝今安相比妍嬌歌  
颺輕颺長裾舞翩翩我醉渾欲頽吟肩倚羣仙青衿同  
遊生况復美少年白眼一粟餘其氣凌蒼天

我昔登金臺居庸快瞻望厯厯薊州山周迴疊層嶂龍  
門挿天表崿嶭若佐相蒼蒼諸峯攢宛如踞虎象蹇我  
黃金闕紫翠鬱相向龍蟠八極尊鳳嗜五雲上觀光適

茲辰賓筵候亭障覽奇快醉歸頓令心目曠

觀隸古孝經

穹碑大如隼字畫示古隸炳朗金薤垂鉤聯鐵紐繫橫  
披若伏波堅堅如執簪古人書法精點綴分巨細聖經  
旨義明謨訓督奮勵赫赫李唐朝玄宗亦英帝渙詞出  
宸思揭書題聖製執筆表前代勒石詔後世惜哉西南  
行不作苞桑計

白菊

幽花若處女，涓涓凝淡粧。  
對月張素琴，凌風披縞裳。  
質潔恥穠豔，姿珍閤馨香。  
持此貞白心，相依君子傍。  
漪漪臨深淵，皜皜晞嚴霜。  
自分值時晚，永不慚秋陽。

題扇寄友

別子倏易秋，限茲大江水。  
相望三驛途，迥若在千里。  
風涼桂粟黃，露冷蘭花紫。  
素紉裁短吟，含情付雙鯉。

錦帕

絲絲出機杼，縱橫炫綵紋。  
美人勞玉織，綠窻瑣春雲。  
卷

之不盈束放之霽闌芬織成寄遠道密意同贈君君但  
念玲襲機聲聞莫聞

郭熙盤車圖

東車上岡西車下輒力駕牛如駕馬後有一車方渡河  
泥深水寒將奈何來車人與去車語前途山高石齟齬  
千里百里多險阻虎狼縱橫皆逆旅好歸來守鋤耜

行見月

行見月杏花枝上新晴天東風吹散鑿江煙江南庭院



春可憐有人不肯上秋千

行見月白蓮池上弄纖纖寶奩新開飛寶蟾吳中深閨  
不捲簾齊紈巧遮雙蛾尖

恭題靈羊圖

塞上春深草初綠黃河套邊堪放牧何來羌羣攜乳畜  
傍有韓盧將搏逐羣羆不奔且不驚輜車無影驚無聲  
持旄已歸蘓子卿挾冊未見黃初平羊何安閒盧何猛  
以靜制動清邊境我皇執筆發深微意在和雍化強梗

是時賢相維三楊昇平輔理稱虞唐九重優游翰墨場  
天與人丈垂四方

觀內苑西僧演教

佛殿開公車來旌旛導引法鼓催天人獻貢金沙街天  
女散花瓊瑤臺臺前行列諸寶樹一樹一葉生甘露琳  
瑯樹擺天風度風度鈞天和雅音雅音演暢歡人心

月子河即景

風便小舸輕如楂中流浪平無驚嗟溪女捕魚水禽起

野叟賽神村鼓撾甘書剝壁見古廟雞犬上樹知人家  
秋江景物看不厭霜菊掛岩開紫花

登崇道觀明閣看山

一月在船懷抱惡晝夜風濤怒驅作文江東岸煙霞居  
上瀨囊廂暫停泊幽人歛接禮數倍便叱山童掃高閣  
石牀穩帖憇塵夢古甯清冷纓可濯光搖樹色開几屏  
香籟松花墮簾幙敲金哢唳雜靈籟碎玉鏗鏘響簷鐸  
馮夷玉女翻雲旗白晝虛空奏天樂幽閒境界縱坦放

前日驚惶都忘却豪來懽劇欲起舞狂語驚飛滿林雀  
大舒雙手弄日月長笑一聲振寥廓開窻遙見江上山  
紫翠高低眼分豁幽人巨細向我說上極危巔下陰壑  
東南云是中華山半夜仙燈光閃爍崆峒西抱北太平  
隱約仙居在冥冥天皇椎破混沌竅此山揮指神斧鑿  
轟雷走電騰朱龍微月寒風下秋鶴赤日杲杲海底明  
蒼雪紛紛峯頂落軒昂勢可敵崑崙突兀恐不讓廬霍  
我生素抱山水癖處處名山俱領畧曾跨君山浮洞庭

駕馭罡風遍衡嶽昨來彭蠡訪五老呼吸瀑布醒醉渴  
縱是滴泉與片石一一窮探無落莫今過大江對此山  
便欲翱翔躡雙屨幽人為言路顛蹶壁立羣峯難着脚  
當中更險大西嶺獨聳孤形頗危削十年惟此是奇觀  
追想前遊今不若虺虺我馬廢鞭策料與此山緣分薄  
橫發平生雄壯心萬里逍遙趁鵬鶚

題宜興陳警言之畫

君家畫舫如畫閣日載笙歌呼客遊太湖風波不可渡

停撓洗盞凌滄洲水心落花爛五色雲頭芙蓉攢萬虬  
晴空泥淥走白日煙鬋髣髴迷瓊樓陶朱魯望已僊去  
夫差勾踐空荒丘古今樂事復我輩湖山不管興亡愁  
醉乘鰲背上九漢一粟下眇三吳洲

題扇

赤龍行空鞭不去玉樓美人汗香注搖搖白羽蕩輕羅  
手中笑把珊瑚樹樹排十二金縷衣月中木犀花亂飛  
秋風有情不忍棄目送大火流天西

掬水月在手畫屏

院涼夜彩流金蟾海空秋華開素奩含情欲共嫦娥語  
畫簷鈎上真珠簾姮娥住老廣寒殿金樹銀花四遮面  
癡情苦思招不來千古萬古誰能見銅盆一掬太液清  
金蟾墮水秋分明兩輪上下互相蕩團團似愛纖纖擘  
陰精含胎未分割白兔棄丹將遁走水華壁影一規中  
却入人間艷姝手艷姝弄月還傷情屈指圓缺頻送迎  
幽閨秋冷夜光靜千里有人關塞行

贈客

紫貂壓肩酒薰面走馬章臺瞥如電石城送客雪滿舟  
江閣張燈夜開宴雪花不飛江月明雲葉散盡霜天清  
酒闌歌罷跨鶴去白雲東指瓊花城

題畫贈朱拱之

君山兀兀湖水急爛銀盤中螺一粒老龍把弄蒼玉枝  
飛濤掀空海神泣振林裂石孤月明劃然似覺天西傾  
持將濁世孽妖魅媿作笙竽新樣聲



林居書屋

挾冊入林林居幽逃虛習靜恣所求香芸晝焚小窻午  
青燈夜照孤檠秋汗牛充棟三千軸白首何妨苦心讀  
山空鳥寂人不知琅琅誦聲亂巖瀑

送湯希說北上

夜潮湧山綠江漲飽風錦帆破春浪青萍插腰書滿挑  
南國王孫初北上白玉樓高仰莫攀黃金臺高屹相向  
臺前三月桃花多遠臺酒旗招客過柳下紫騮銜蹠躩

花裏翠眉張綺羅今朝檀槽作胡語明日班管吹吳歌  
題永福玲玉中所藏徐宗浚雪景

玲師放叅開左堂徐熙忽作遊戲場手披七尺溪藤光  
幻出乾坤銀粉粧觸暑一見心清涼畫翁鶴氅著穿屨  
仄踏山南雪天暮九折坡陀列瑤路四匝寒林挺瓊樹  
來與師評惠連賦

明皇觀舞圖

勤政樓前午朝罷花萼樓頭西日下沉香亭畔梧已秋

凝碧池中蓮尚夏紫衣傳宣詔九宮宮中麗人脂粉紅  
錦駕綵鳳炫晴日嬌鶯乳燕隨春風御厨捧勅陳華宴  
錯雜奇珍按時換擎來粢粢赤金盤奉出纖纖青玉案  
分行判隊衆樂鳴琵琶篳篥璫瑤箏月支小度解漢唱  
越江妃子能秦聲何須三擊花奴鼓六律皆依板為主  
玉環指下節奏明內中一人忙起舞軟鞋尖帽高麗裝  
團花纏身金縷裳俏裁四幅褰腰窄寬曉兩袖拖肩長  
大垂小垂輕復舉左挺右挺風旋起蛺蝶爭翻柳絮雲

蜻蜓亂點桃花水一縱再縱勢欲前東歌西歌態欲偏  
香埃蹴步自掩冉日光踏影相踰躔唐家三郎倚花坐  
懽極諸姨盡稱賀漁陽鼙鼓動地來歌舞花間忽驚破

廢廟

江南多廟宇處處倚山開香火村翁主松杉野鶴來土  
墻支段木石磴上青苔鼓吹斜陽裏人家賓社回

丹陽道中

丹陽兩日驛賤子十年遊蹭蹬身將晚飄零鬢易秋山

川懷舊跡花鳥識新愁  
越北浮東海無人與借舟

送吳永年

行色春增艷  
離心路與歧  
柳條江上雨  
蕪草望中詩  
來燕纔交社  
分蠶正及時  
到家新釀熟  
花下有尊移

寄沐希甫參戎

華鎮移金齒  
清標想玉顏  
何期白雁信  
又過碧雞山  
赤日酬明主  
春風舞楚蠻  
功期班定遠  
早勒玉門關

散步前村歸晚小憇南牖偶成

伐斧鳴前岫巡金響近村西風摧木葉落日下柴門夢  
可黃紬被唵堪老瓦盆嬉來隨野叟相就問雞豚

晚雨二首

枕簟渾無暑園林占蚤秋荷風晚池靜槐雨夜堂幽藥  
裹依頻簡書籤散不收虬髯先著雪今已漸侵頭  
白苧辭新服黃紬理舊衾月華雲掩鏡簷溜雨鳴琴花  
片渠流急苔錢石繡深閉門淹病嬾誰肯為招尋

飲劉穆之萃芳亭

倚石厭花氣，漱泉憐水香。欲留紅日下，先占綠陰涼。客  
醉酒沾席，官貧書滿牀。老便尋樂境，此地本吾鄉。

送朱永年遊金山

君上金山寺，還吟張祐詩。空門無俗境，人世有閒時。潮  
漲江應濶，雲來山不知。昔年曾宿處，多負故交期。

宿和州港

落日舟帆泊，晚晴酒席茅。屋小村清客，途南去三千里。  
鄉土今來第一程，野廟鼓鐘驚夢寐。秋江星斗動虛明。

西風轉盼情無限行役勞勞恨此生

遊龍華寺

下馬山門萬樹松  
竟誰來此謝塵踪  
泉飛澗竇酬齋諷  
風出藤蘿引飯鐘  
蘭麝香分巖畔桂  
芙蓉青削望中峯  
石墻書遍安心偈  
盡掃蒼苔十丈封

秋夜

嚴城鼓角送更長  
坐對梧桐月滿墻  
錦字多才秋信遠  
翠華無夢夜衾涼  
家在眼風塵阻  
世事催人日月忙



展轉孤心滯歸路不如鴻雁解隨陽

雨寒

小閣看書蠟炬殘  
溟濛疎雨作秋寒  
江山風物愁將盡  
湖海舟航客耐看  
壓樹黃鸝同坐濕  
衝泥瘦馬獨行難  
窮途搖落成何濟  
空戴蕭條舊鶻冠

不寐枕上憶劉子一首

殘漏疎鐘枕上驚  
雞聲何處未分明  
空梁有月秋將晚  
客舍無燈夜亦清  
風雨屢孤同榻興  
萍蓬難忘盍簪情

布衾展轉寒如水多少思君夢不成

泊曲港

旅泊豐城江上村浦煙汀霧正黃昏漁歌亂集潭中網  
酒旆寒飄竹裏門雞犬衡茅時自散魚龍星斗夜虛吞  
隔川誰弄桓伊笛一曲梅花欲斷魂

題張廉夫光祿長沙別墅

靜閱羲黃數歲華閉門誰識此翁家林間日月耕何懶  
天上風雲夢已賒野寺尋詩隨杖屨山庖留客有茶瓜

歸來自覺機心息長伴江鷗坐岸沙

慈湖道中

路繞清溪轉綠陰村村麥壠對桑林吳蠶老去還成繭  
蜀鳥南來未改音匱玉無媒懷往事還山有約負初心  
翻思今古情何限却付青驢背上吟

宿嘉宗師一清山房

上方燈火得依禪惠遠慙予舊有緣閒與白雲分半榻  
清同老鶴卧孤煙驚心往事三更雨過眼流光十二年

金少卿集卷四  
卷四百九十五  
曉枕偶醒丘壑夢滿窻山鳥正綿綿

送趙隱士還錢塘

古貌魁梧雪後松舊家人物宋同宗江鄉憶送孤舟別  
京國何期一笑逢白首華嵩凌意氣青天雲夢入心胸  
老年賴有湖山勝日日酣吟兩翠峯

與陳希尹承恩寺夜話

佛閣論心到即留對君那省繫窮愁隔年雞黍殘盟在  
投老鶻花舊夢休酒共青燈聊送夜詩因黃菊似爭秋

相思明日江天恨又逐霜鴻下遠洲

送凌伯遠進士之任德化

冬官正好拜新除西去潯陽山水居拂地冰花驚瀑布  
挿天蒼玉對匡廬青衫騎馬春觀稼烏帽篝燈夜看書  
近日江南民力困征徭君且放寬舒

遊甘露寺夜歸即景

南指岡巒路幾重杖藜扳到翠芙蓉地從海口橫諸水  
山自江心落半峯孤月出林驚玉兔一星當閣對蒼龍

十年再舉憑高眼  
嗟倚門前四五松

善權寺

謝真人所居

鬼鑿神剗太古先  
窮源何地入漁船  
將行且止如無路  
入暗通明似有天  
笑與師期逢澤日  
愁聞人說避秦年  
三生夙願慙同姓  
桂下樞衣拜古僊

東坡祠

溪水澄鮮洗蜀絲  
溪山飛翠掃峨眉  
丈長垂世如懸日  
人不忘公故立祠  
種橘無亭題楚頌  
求田有帖勒吳碑

游踪到處留遺愛  
嶺表湖南並去思

謁岳鄂王墓

元命綱常繫此身  
自江南渡幾孤臣  
一門父子死何罪  
五國君臣冤不伸  
當道豺狼殘宋業  
中原麟鳳避烟塵  
忠勲細寫西山石  
說向而今拜墓人

送吳永年歸崇德

百里春江一幅蒲  
恬風引浪下三吳  
山城不斷南通越  
水驛相連北帶蘓  
行李艷裝唯古劍  
客庖供饌有新鱸

燒林桃杏沿堤柳畫舫歸人在畫圖

寄史黃門巽仲

湖上辭君雪夜船詩筒藥裏對羣仙歸田錄在身將起  
封事囊多手自編巷賭有堂開別墅酒醒無石憶平泉  
春風兩度華陽約咫尺煙霞又隔年

次韻子仁登臺送陳亨之

臺上青山臺下花送君春色漫無涯香來竹裏客庖酒  
煙起松間僧舍茶鳳迹湮隨榛莽廢鶯聲繁雜管絃譁



碧天遠影長江盡興逐西風博望槎

送人還金臺

習嬾衡茅此送迎題詩還觸黯然情歸舟江上人將別  
游子天涯草又生思入淮徐春雨暗夢過齊魯夜濤驚  
關心無限趨庭意東指雲霞滿舊京

挽袁使君內淑人

秋老驚風薄綺幃夜寒殘月晃羅衣南陽楚嶺慳人竊去  
西望泰山一鳳歸瑟冷堯英期有伴琴疎牧犢恨無妃

百年終擬孤丘願夙約千金誓不違

病中憶清風亭海棠

絳衣仙子馭青鸞飛下僊家白玉壇翠黛不禁秋睡困  
粉香猶怯曉粧寒雲生綵樹愁成夢月滿珠簾病憶看  
嬌艷正防風露重紫絲那惜護朱闌

割麥

穠秀漸漸浪勢漫清和天氣尚餘寒過墟歌詠悲殷相  
進食權宜想漢官歲稔已占三白足時豐何靳二歧難

冷淘槐葉貧家味，免得臺司諷素餐。

送沐叅戎希甫出鎮金幽

萬里天書下五雲，捧持猶拂御爐薰。  
一門榮戟龍章剖，三鎮旌旗雁字分。  
令嚴燹酋通異俗，檄傳夷島盡同文。  
平生壯志追前列，試看新功匹舊勲。

夢與張盛之夜，飲賞菊，覺得後一聯因足成之。

范老湖頭舊圃芳，晚風吹雨濕銀牀。  
粉痕約畧微薰酒，艷骨依稀薄傅霜。  
山閣無情秋共病，液池清夢夜分涼。

一觴一咏吾人事消盡江城漏點長

送劉廷獻之潤州

輕帆不覺下金焦  
迤邐孤停斷港撓  
江月斜傾蕭女廟  
海潮平入許渾橋  
吳東舟楫雙魚便  
翼北音書獨雁遙  
無限鄉心望鍾阜  
白雲千片隔山椒

下第登雨花臺

八月南臺五度登  
天風兩袖一枝藤  
窮途愧擬悲秋客  
逆境來參結夏僧  
山骨高於詩律瘦  
江流濶與酒豪增

與酣我欲乘風去孤鶴飄飄力不勝

復毛總兵大硯

石鑿青龍鐵勝堅雞窻磨洗未能穿  
孟嘗行化珠皆返趙使歸來壁尚全  
小技可堪封即墨大書留與勒燕然  
須知物自還元主恥作迂儒種字田

次許彥明九日出郭

偶索黃花野寺過貪將酒盞對花歌  
眼前赤土非吳有天外青山似洛多  
雲榻禪心秋海月松窻梵語夜江波

閒僧本是無愁者種種如何髮也皤

送吳淵甫出令岳陽

城上青山城下湖  
僊郎官府似僊都  
地輿西去雄吞蜀  
江勢東來迥帶吳  
草澤課稀魚蕩沒  
琴堂訟少芋田蕪  
後先憂樂平生志  
千古希文是範謨

客遊感舊和湯希堯二首

遊躅於今苦不前  
龍門歷覽是英年  
紫貂冲雪燕京馬  
畫鼓凌波楚渚船  
楊柳登樓無舊侶  
桃花題扇有新篇

因君又觸當時興心遶江南幾處天

劍匣書囊帶楚煙湘雲嶽樹幾流連弓裘白馬春遊帳  
絃管紅燈夜宴船香陌行踪延麗景彩樓心事紀華年  
無情惟有秋空月同照離人兩地天

江村雜興

溪後溪前柳拂堤村南村北路高低葭火引粘萍上  
田雉車驚隔竹啼九月重陽新節叙滿城風雨舊詩題  
青青莫羨西原草留襯尋秋瘦馬蹄

喜晴

苔錢逐雨繞階生  
粧點貧家破屋清  
浦樹帶煙朝有色  
溪泉添水夜無聲  
錦峯高出浮雲靜  
翠壁斜臨返照明  
萬頃嘉禾場圃足  
腰鎌日日趁秋晴

送沈生遊京口

君到金焦櫂可停  
艤蓬先上二高亭  
百川交會江來遠  
萬古不磨山色青  
未擬雄心探狠石  
且將詩句洗中泠  
海門十月霜潮落  
水窟堪尋瘞鶴銘



寄門生沈用立大尹

萬水千山寄信難  
人傳高第最能官  
兩年春雨雞窠夢  
千里秋雲雁字寒  
禮遇絃歌須待化  
政行鞭朴務從寬  
嶺南民物今何似  
要使窮閭枕席安

除夕

寒爐楮坐深更兒女相嬉戀  
情婪尾從孩先受酒  
膠牙隨俗舊傳飭就牀病鶴  
支春夢隔屋寒雞咽曙聲  
頭白家貧書萬卷歲華贏得眼分明

寄弔岳武穆

兩過錢塘兩謁公  
栖霞嶺下是幽宮  
人空有誓完西夏  
樹亦無枝受北風  
社稷命危孤立處  
君臣身死一和中  
我皇迅掃奸權日  
似為忠良補舊功

寄施以德次合雲樓韻

五百吳程路易通  
月明兩地恨相同  
雙魚歲落空江水  
孤雁秋驚半夜風  
故里交遊情最洽  
老年文字氣猶雄  
不知多病東山客  
可在先生記憶中

聞鴻有感時舍弟僉舉卒于燕

寒林一夜起霜風雁不成行散曉空  
洲渚有花搖歲月雪泥無迹辯西東  
天衢杳杳真非遠雲路冥冥竟莫通  
獨把遺文傷阿弟鵲鴒原上此情同

題鄭可之所藏鄭嘉言遺墨

翰藻詩葩墨尚濃匆匆歲月識題封  
牀頭遺紙無殘蠹砌角哀聲有斷蛩  
千里燕南來遠道故人江左是同宗  
錦囊燈下頻披閱不覺秋襟淚點重

次儲少宰柴墟除夕二首

鶴立空塔更散廳調簷古柏耿疎星歲華不負春盤綠  
勲業無慙曉鏡青榜冠羣英詩壓鄭門多諸從易傳丁  
烹茶自把梅花嗅誰識先生是獨醒

更鼓迢迢報訟廳斗回寅位轉三星勝傳靈照金花巧  
酒送宗文柏葉青郡有辟書逢舉歲已無征役到閒丁  
年華五十今逾二已覺虛浮世夢醒

揚州馬次甫見過病中以詩道意

三百江城一日風，又從橋口繫孤篷。  
忽驚深巷來佳客，不厭寒門問病翁。  
舊事多傷春鬢白，好詩留剪夜燈紅。  
堦前即便呼兒拜，眼底誰人識馬融。

二月十五日予卧病杜門憶前月是夕開宴湖  
上感而有作

元宵雪月譙湖亭，十里燈光燦列星。  
蝴蝶有情迷楚夢，杜鵑無語托湘靈。  
雲深僊府花成陣，香擁侯家肉作屏。  
一病自傷春過半，可禁堤上柳青青。

同白巖喬司馬遊東園次韻

割得鐘山一段青青林杖屨愧頻經水邊蒹葭影魚知避  
松下碁聲鶴解聽走壑竒泉噴夜玉攢峯怪石化秋星  
廣庭不用重裯設繞砌苔錢繡錦萍

宿姚氏延秀山房兼候王元孚不至

何處平泉別有莊新堂西崦築溪堂水風吹酒涼侵枕  
山月窺人影到牀睡熟黃紬詩夢遠坐銷紅燭世機忘  
多情摩詰應趨約誰貌騎驢華子岡

東園探春次韻

二月探春春事微，留人無計網春暉。  
山容殢凍花應嬾，野色慳和蝶未飛。  
晴穀漾波驚石瀨，午光斜日蕩林霏。  
白頭多病防多酒，風雨危橋怯夜歸。

輓錢文翔憲友

業卒成均嬾拜官，老歸林壑寄幽歡。  
文章南省秋雲薄，燈火西窗夜雨寒。  
長劍提攜空自舞，孤琴零落向誰彈。  
江山何處桐岡路，望盡星辰淚不乾。

送吳至大之安慶

牛渚風潮沂九華知君五度泛仙槎  
三書可上新侯府一榻能忘舊主家  
山勢楚來還北拱江流蜀下向東斜  
精忠為弔余公墓好酌村醪薦水花

次韻李侍御師文送予遊茅山時李在東莊督田  
夕陽倦鳥自知還東去飛雲不可攀  
大塊此身如客寄深山一榻似僧閒  
徑荒松菊今猶在路塞荆榛久未刪  
倚杖詩成看天印晚風吹酒上酡顏



喬司馬席上送春限韻

恨別江淹獨黯然惜餘供奉更堪憐  
窗前讀易人孤坐燈下苦吟僧未眠  
斗欲旋時還北指日難留處已西偏  
曙樓莫放鐘聲過回首東風又隔年

飲黃氏園

春色休論郭外尋城中泉石此山林  
對花宜醉十分酒買地不辭千笏金  
雲幕穠薰脂粉艷風簾低約珮環音  
主人多少留春意未許池塘變綠陰

十五夜

海上晴雲擁一規，盈當三五算無虧。  
初窺枕簟涼先覺，漸轉梧桐影不知。  
皓魄滿天呈彩夕，秋陽入地藉光時。  
狂歌欲向清虛問，兀坐孤停李白卮。

雨中過徐氏園

宿醒連日未回醒，來坐清風孺子亭。  
薦酒細浮寒菊艷，和羹新剪夜菘青。  
重過不厭凌秋雨，良會休猜聚德星。  
有客倚燈低度曲，知音誰解隔林聽。

花朝日雪用韓子春雪詩韻

候愆徵叶咎時稔問占謠北濕留終駭南榮積遽銷歌  
鶯遲騁舌舞蝶避爭腰玉碎偏依樹綿飛不戀條濕輕  
茅護宇泥薄路通橋水鳥來仍去風帘定復搖癡情於  
麥歲恣態妒花朝傳杏前村遍隨梅迥野飄甕融俄徹  
壁達渙即藏綃當令東皇在嚴威未用饒

題畫

悠然值林叟忘機坐日西灘聲與人語相逐下前溪

蕭山

岸帶青桑浦江環綠篠灣小航留不住日是過蕭山

雜畫

玉環施艷粧夕酒睡未寤秋光如妒妍胭脂染寒露

山亭

山亭樓斷阿嗟予三月病扶衰試重來秋苔迷石磴

西津

青藜步柳陰已識西津路白衣歌水涯不上西津渡

夢中作

瑤瑤洲畔拾芙蓉  
玉女青童兩隊從  
明月一江天似水  
夜涼騎鶴下西峯

牧龍亭雜詩

白沙一路接長坡  
處處蠶桑處處禾  
過午野田啼鳥歇  
棟花風送踏車歌

長揖耕夫問牧龍  
蒼峯東指塔重重  
剝亭歲遠無門榜  
破屋牆邊四五松

細風吹雨散還收四月輕寒正麥秋梅子已黃蠶已熟  
滿村桑柘叫鉤輈

水僊花

兩娥湘浦倚秋清九處峯巒九繫情玉露半空明月冷  
西風吹落珮環聲

絕句題芙蓉

愁牽木末弔沈湘萬古江流怨與長何似霜花識幽意  
年年秋晚為舒芳

墨芙蓉

紫毫濡染墨淋漓木末孤寒誦楚辭月黑林深湘渚夜  
一天風雨泊舟時

題畫

崖穿晴瀑懸林白樹滴寒嵐墮石青天目舊程行頗慣  
馬頭秋色落雲屏

睡起口占

茶瀹花磁洗睡魔枕流亭上暮涼多狂飈吹下西山雨

一片秋聲戀敗荷

湘江風雨畫竹

雲深蘭露泣雙鬟  
懶隨流香翠點斑  
一望蒼煙三萬里  
不知何處九疑山

辭浙東湯希達周叔謹

菱湖柳岸水禽啼  
野鶴沙鳬恨不齊  
夢斷蓬窗懶回首  
一溪晴雨過塘西

畫竹為湯宗器題



曾記瀟湘繫短篷  
隔江煙雨翠重重  
驚雷忽報春消息  
一夜靈根長籜龍

題扇寄希仁

雪晴沙暖乍離家  
北去頻看雁影斜  
回首江南春漸老  
東風開到紫荊花

送李習儒還長沙

楚江西去亂峯青  
日暮風凋折柳亭  
聊把離觴聽瑤瑟  
尊前一曲有湘靈

題相思鳥

俱飛並逐綺園春  
互語相思字字真  
啼到苦心聲莫放  
綠窗驚起病人人

四月十日過東山小莊漫興

林深樹杪掛藤花  
石逕初來路覺賒  
割盡黃雲農未了  
東桑陰裏鬪栽瓜

又

茅茨喔喔亂晨雞  
紅日穿林樹影低  
圃上軸聲驚打麥

黃鶯飛過綠陰啼

送劉文獻

石城柳色春猶淺  
錦席燈花夜未分  
明發北風江棹穩  
思君又隔洞庭雲

絕句

扶得青藜到水涯  
東風嫋嫋墊巾斜  
吟情還為春情惱  
紅杏枝頭已著花

送薊門客二首

秋深又送薊門驂  
林樹塗霜葉正酣  
千里羈人憐遠別  
鄉心夜夜斗杓南

秋晚辭家到及春  
江山如舊客愁新  
多情最是隨陽雁  
年去年來解送人

絕句

步出吳門入古林  
松濤竹籟互酬吟  
稚圭不用仍移櫬  
猿鶴應知近日心

竹上白頭

碧霄雲路幾升沈  
楚楚毛衣太古音  
自笑白頭無伎倆  
堅持一節老山林

絕句

鏗鏘戛玉能清耳  
瑩徹噴珠可濯心  
何處人煙隔塵海  
不知身在翠蘿陰

寄何圖樵一絕

山中酒熟君思我  
雪裏詩成我寄君  
東望海門三百里  
不勝離思亂江雲

畫雁

湖上蘆黃水拍天  
湖頭人去少書傳  
秋窻正有孤眠客  
莫送哀聲到枕邊

李潛夫畫

銀河無路泛仙槎  
一舸空江此是家  
殘月照人秋睡穩  
不知清夢在蘆花

送鄧以敬

貂蟬家世舊王孫  
西指濠梁是故園  
雪霽四山狐兔出

笑攜弓矢獵平原

石倉歷代詩選卷四百九十五



欽定四庫全書

石倉歷代詩選卷四百九十六

明 曹學佺 編

明詩次集一百三十

湯珍

秋日遲文衡山先生不至

肅肅振飄風  
霏霏灑芳澍  
遲客向南軒  
徘徊庭樹  
儼裝戒  
星來傾羲未  
云赴鳥鳴不  
相求反已每  
自顧我思鬱  
以煩孰

克探其故遐心邈霄漢  
脩晷淹難度沈憂抱孤景  
中結豈外慕今雨既無成  
何由紆雅素申訊吐清謠  
殷勤待良晤

贈別全州四友

南州實楚壤湘水分洮陽  
茲維五嶺表帶海襟蠻荒  
土風靄清淑秀發人文昌  
濟濟多士美接跡參翱翔  
二唐本華胄崛起名相望  
經君流朗照鄧子葆真光  
挹之信可親測之愈汪洋  
絕羣峙鸞鵠炫目森璆琅  
投懷濫追廁披寫何能忘  
雲霄有程期行行去轍長  
緬增離析嘆

春色遶河梁

光福寺

登登鄧尉山飛搆見古寺橫割鳳岡青平臨錦峯翠誰  
移白銀闕置此佳麗地下負巨神鼇萬古永不墜草樹  
多攢花雲崖賸題字旭日射寶塔珠光盪如碎迎門有  
老僧臺客不相避和南揖就坐蒲團各分位香茗無雜  
供居能自清異我彈瓦棋盤彼弄鐵如意玄言悟三空  
心兵欲遐棄

虎山橋

太湖三萬頃波流浩融融長鯨枕其股架石仗神通左  
臨蛟虬窟右瞰馮夷宮大觀愜平生與世辭牢籠坤維  
斷鼇極日觀飛穹窿孤帆滅天際遠嶠浮烟中陰晴變  
昏旦狀態未有窮扁舟忽在眼緬想鴟夷公漁歌何處  
起唱入桃花風

魯秋胡詩二首

結髮諧伉儷遄征迫王期棄置嫵婉戀行為好爵縻言

旋故里轍邈迤舊容儀別衷冒以究詭辭相給欺不然  
桑梓中茲維敬止時奉金為母壽慰此合歡思流目豈  
足盼調笑何當施屈辱一朝名徒令萬代嗤

其二

自君之出矣五歲恒食貧力田非所任力桑由妾身色  
養給晨夕一意待良人惜哉不相諒片辭難重陳桑葉  
何青青蠶蠕亦振振黃金高累屋視若飄風塵白璧誠  
少玷有如此河津全軀眩昭昧孰克表千春

出東門行

出東門何所之倚行劒對酒卮恥為兒女泣相持青春  
遊子當及時西指秦中道北踰燕趙陞隴首白雲遠天  
涯紫鴈悲勸君不若返故鄉衡門之下堪栖遲

廣武行

按廣武在敖倉西三皇山下為劉項戰地阮公  
常登覽嘆云時無英雄使豎子成名微指曹魏  
司馬公也余心壯其語因表賦焉

噫嘻廣平古戰場據敖倉而倚滎陽負山阻塞扼險要  
楚漢相持壁壘當是時龍虎方交關結陣連軍昏白晝  
重瞳取霸實暴興豐沛真人乃天授平沙落鴈下高城  
戍草屯雲夕照明蝕泥斷鏃猶封血夷竈餘基尚有塋  
山川好在殊今昔往事銷磨但陳迹鴻溝即使遂中分  
兒戲輿圖輕一擲慷慨何人阮嗣宗醉眸傲睨乾坤中  
覽古黃河氣填臆長嘯茫茫徐泗空憑高指畫爭衡地  
悵惜英雄生不世彼豎子者豈數名鼠竊能盜神器

神器雖可盜天意寧可欺太阿不久柄倒持弱人孤寡  
還自敝覆轍循環空爾為

上新河觀練水軍歌

建業城西上河口大江控截金陵守聖祖經營置水軍  
結壘轅門環細柳兩翼迴渠伏港通魚麗櫓比藏艨艟  
太平講武三時暇教演時當十月中是日風恬波浪平  
團營號令傳分明對壁虛聲張寇敵旌麾簡出橫江兵  
箭羽槍纓光映掩鯨奔鰐逝天為慘赤壁曾摧魏武師



襄陽直破楊么膽朱袍牙帳樹中堅錦帽花靴簇兩邊  
水后天吳稱警肅客檣遠避驚鴻旋砲鼓烟騰川沸動  
艫舳相噉萬聲聞青山漠漠愁渚宮白日暉暉撼雲夢  
先鋒一舸最前歸報捷謹呼疾若飛鉦鼓並奏齊天樂  
虎豹交翻偃月旂吁嗟訓旅雖近古將軍莫浪誇英武  
君不見江東水戰推吳人使船如馬真絕倫王濬揚帆  
一夕來洋洋天塹同平津又不見陳家江總歌玉樹謀  
國書生成大誤朱雀航頭烽火紅折葦憑刀競飛渡鳴

呼此軍此舟胡可無屏翰干城存廟謨不然徒為兒女  
戲衣帶浮漚作何事

題沈石田效米元暉雲山圖

春山蒸雲濕糝糊春樹凝烟渺有無汀花岸草愁相喚  
蘅渚蘭皋低自紆江南雨景真貌出世傳曾有元暉筆  
石田老人近代豪步驟邯鄲更超越溪難注消夏灣  
胥口波濤杳靄間西遮震澤雙螺小北走靈巖萬笏還  
江村橋外炊烟夕上沙下沙水涵碧似聞茅屋啼斑鳩

無那東風搖燕麥沈吟憶得畫中詩灑墨揮毫興發奇  
竝驅逐鹿知誰手何必敷文待制為

銅爵臺

自失平吳策空名起鄴臺餘香殘篋冷促柱短歌哀漢  
水漳河盡當塗典午來西陵松柏地旋接北邙萊

寺門

寺門山麓峙當面更青山渺有烟霞想誰參秘密關僧  
穿松徑去童汲井華還塵海茫茫遠三生夢覺間

許攝泉見過山中失透賦此解嘲

久孤南望約枉沐北山臨掃壁真題鳳攀雲獨抱琴  
午齋留石鉢寒日靜珠林自是攢眉去非因白社深

登城

行躋覆舟嶺睇覽秣陵城  
壑聽松濤湧林窺鹿子行  
荒涼梁堞散埋沒晉丘平  
皎皎江南月空流玉樹情

途淖不一輿由土橋取山徑往朝陽門作

別路循山坂肩輿出淖泥  
崇岡帶連嶺古廟枕寒溪水

落通前澗峰迴豁近蹊王城千雉壯蹄輻會歸齊

三月晦日作

江南櫻笋候浥浥綠陰鮮雨漲桃花水春催麥秀天燕  
泥增舊壘槐火接新烟膩葉留殘萼啼鶯亦解憐

大雲菴

清陰閒寂境過雨午生涼水漾潭雲碧花牽石蔓香竹  
芭新脫粉鶯舌巧調簧採蕨烹葵筍難消道味長

石橋

時雨如膏沐能添竹樹鮮石橋分野望雲日澹川煙僧  
笠歸花外漁舟繫柳邊村村逐芒種播穀滿菑田

文公房晚話

逐處留香茗忘歸道室開飛蟬空外咽怖鴿鏡中迴野  
客耽幽趣禪宗挺辯才涼風忽吹至仙樂九天哀

秋山月下作

長歌不為勞起舞興蕭騷石壁雲芝秀風庭月樹高金  
蟾窺塔相玉兔鑒林毛衣露灑灑濕秋聲捲夜濤

晚酌湯以遠姪

山居分礪壑鄰卜並煙霞地勝秋依竹人幽晚對花解  
衣披石蘚飛竿散城鴉楚楚吾宗秀無嫌玉倚霞

秋日同徵仲太史宗子伯昭遊虎丘作

殿堂突兀倚秋曛劍壑經臺鬱紫氛落木俯窺滄海嶠  
飛鴻遙送洞庭雲登臨洵美仍吾土汗漫相期況有羣  
擬辦草衣謀小隱肯教重勒北山文

十日陰晦漫賦

昨日重陽今日陰眼前時事漫驚心  
紫茱黃菊餘幽興  
白石青苔伴獨吟  
萬里鴻冥聊下上  
百年龍卧信浮沈  
高情亦復如元亮  
不見王弘送酒臨

重陽後二夜對月寄孔加式如

絡緯鳴蜩傍草堂  
紛紛涼月照衣裳  
空雲散落星河影  
葉露溥來竹樹光  
好景正緣憐永夜  
清言無奈隔華觴  
高陽多少登臨興  
儘把閒情付葛強

酬張員外永清



闕下逍遙鴛鴦行省中題署漢僊郎春田花樹傳新賦  
寶劍虹文識夜光高意欲脩蓮社約野情時合竹林觴  
江梅玉笛空愁思慚對瓊瑤乏報章

秋日虎丘

白雲蒼藹迥秋清碧嶂丹楓媚眼明雉堞樓臺披下上  
塞天鴻鴈度縱橫珠光乍轉層層塔暖色猶啼款款鶯  
休倚夜中看劍氣古崖哀壑悶金精

雪

常年臘日多風雨，今歲吳門雪再飛。  
積葉封條輝玉樹，驂蜺策鷺舞瑤妃。  
獨吟何遜梅花句，細點王恭鶴氅衣。  
莫訝梁園無賦客，倦遊心事長卿違。

次韻簽顧子榮

搖落三秋水，木葉稀。暮雲翹首思依依。  
高城背日江流細，遠市浮烟塔影微。  
蔣徑已叨今雨，洽陶詞休賦昨來非。  
漸林不斷鷺鳳翼，始信人間德有輝。

次韻答吳吏部純叔早春見寄

落落乾坤任此生悠悠岐路苦難平  
鑿坏顏闔元逃世賣藥韓康不事名  
白雪摻停花下石紫芝歌和竹間鶯  
江湖滿眼乘春興擬逐鵝夷萬里行

呈吳子純叔

北郭開堂賜養豐西山拄笏翠烟通  
膝前已遂承歡志海內偏欽引退風  
水檻觀魚花戲沼松庭調鶴月流空  
遙知三徑多游暇何事求羊興莫同

庚子至日

日臨南至陽潛復雲物呈祥總可書海上已平新戰伐  
山中堪狎舊樵漁揆才襪線慚終瑣測景駒簷覺漸舒  
醕酲即須酬令節芳樽浮醪莫教虛

竹堂寺同徵仲太史祿之吏部看梅

二月尋春春始分輕陰漠漠殢春雲已窺柳色偷青眼  
更傍梅花藉晚芬映日樓臺山郭見穿林鐘梵石堂聞  
年來自笑多樗散長在空門野衲羣

顧氏園賞罌粟花

四月餘春春事凋竹闌石徑賸尖韶殊妝各自矜顏色  
纓立相將學舞腰蝶趁風香狂不奈日烘霞錦麗難消  
海棠屏障梨花檻腸斷芳魂擬共招

五龍堂

烏鵲橋南訪古遊五龍祠宇湛靈湫荒臺半蝕穹碑字  
潛竇遙通大海流玉冊金文昭往錫金書玉簡赴冥投  
腥風白晝猶雲氣寂歷墻花徑自幽

文太史新成玉磬山房賦詩奉賀

金分四八  
卷四百九十六  
精廬結構敞虛明曲折中如玉磬成藉石淨宜敷翠樾  
栽花深許護柴荆壁間歲月藏書舊天上功名拂袖輕  
草罷太玄無客到晚涼高棟看雲行

題寄大雲菴滄浪上人

子城南畔古滄浪複樹迴流匝寶坊幢影倒凌波石動  
松陰斜拂島雲翔幾隨詩客來投社每憶經僧坐品香  
隔市梵音知不遠翠烟深處有禪房

湯君子敘致安吉學政歸家喜贈

春風解組發茗溪吳越山川望不迷六載舊壘空首宿  
五湖歸棹動鳬鷺尋盟桑梓花迎笑得主園休鳥換啼  
過眼榮枯成底事紅塵休問路東西

簡袁五永之

高才流落意何如謫宦茗溪好卜居雪後屢移安道楫  
秋來真釣季鷹魚飛騰江表曾無匹著述周南獨有餘  
準擬書成囊篋滿荆山原不掩璠璣

山中散步

短屐紆徐隨散步  
草香苔綠興無涯  
松間小院藏深塢  
石上迴廊曲繞花  
長嘯有誰臨礪壑  
細吟容我占烟霞  
會心啼鳥相求處  
佇聽嚶嚶竹日斜

雞鳴寺納涼簡山中同志

巖陰崖翠隱玲瓏  
高閣迴廊塔院通  
愁見炎埃妨下界  
快聞鈴語墮虛空  
江雲盡斂舒山月  
野鶴羣飛趁晚風  
為報白蓮堪結夏  
幽期能許社相同

高座寺小憩



天風拂袖下岩峩度竹穿松興未消磴石青苔扶短策  
寺門黃葉認前朝坐依佛榻聞清磬渴飲僧厨借午瓢  
愛殺長千秋色好客遊寧待菊花招

秋日臨浴賢池

嵌石穿雲歷翠微地中哀壑一泉飛晴光漾日沈苔碧  
秋色題詩度葉緋紫岍霜花低裊裊傍人沙鷺炯依依  
要知昔日臨雍意真脉流源自有機

詠虞美人草

卷四百九十六  
垓下悲歌夜帳寒美人無奈返魂難死常為卉隨春碧  
生誤如花染血丹胡地并傳青塚怨楚江休比馬嵬看  
縈煙泣雨年年色添得王孫恨渺漫

雞鳴山塔

鬱紆欄檻起玲瓏金牕高凌絕頂雄四際山河雲靄散  
中天鈴索梵音通神光獨轉千輪藏元氣常含萬里風  
半夜天雞鳴曉色扶桑先影海枝紅

穀日

人日纔過穀日來冷雲陰覆姑蘇臺春姿欲動梅羞泣  
華髮相將歲暗催憶別獨吟東閣雨息機行剪北山萊  
清歡不為窮愁減甕綠浮浮釀好開

贈沈子潤卿

齊女門南一草堂  
萊梅高柳鬱成行  
青春步屣隨藜杖  
綠水臨濠著野航  
解組儘容陶令醉  
典衣休笑杜陵狂  
閒情草就郊居賦  
不羨當年顧辟疆

長安門西道苑墻雨後經眺作

紫宮黃屋邃森沈馳道周廬肅羽林樹裏啼鶯清禁切  
雨中流水御溝深松篁並落鐘山翠雲霧長依漢殿陰  
此日歌謳歡在鎬草茅何以嗣華音

泊徐州再宿對月作

風煙漠漠路漫漫迢遞偏嗟作客難茂苑音書千里隔  
彭城月色兩宵看星涵河影垂平野水觸洪聲瀉急灘  
更倚五雲瞻北斗清輝玉宇不勝寒

留城懷張子房事

塵沙漠漠古留城  
食邑曾開萬戶榮  
主鬱肯教移漢嗣  
功成終隱為韓名  
從容幃幄風如在  
導引神仙見獨明  
矰繳不離鴻翮速  
巖巖黃石共高清

由玄武門出西華禁中作

步躡金鰲傍紫霄  
宮牆周望鬱迢迢  
昭陽樹色連西苑  
太液波聲出內橋  
殿枯蒼虬雲氣吐  
露荷仙掌日華搖  
瓊籤忽聽傳壺史  
晝漏沈沈籞宿遙

奉和文太史懷吳下諸名藍之作

朝衫微染洛京塵故國旃林入夢頻八解不迷靈鷲石  
七花長繞給園輪秋風香鉢萼猶細夜雨蓮堂句獨新  
即擬慈航乘覺海煙波何處問前津

承文丈贈行之作賦答此章留別

脩途日暮倦驅馳又向金閭悵別離遊子乘春冰霰後  
東風含綠柳條時雲中鴻鴈哀求侶江上蘭苕好寄詩  
回首親交何處是故山應念舊襟期

詠火鑪二首

良質列五金矩形存巧冶靜觀水火爭我是忘言者

其二

緬維點雪功屬爾禦寒器心燼不復燃畫灰漫成字

雪夜簡鮑惟寅

晶晶日色弄晴雲消得塔頭雪幾分一樹梅花東閣晚  
詩懷偏屬鮑參軍

答蔡子煎茶治平寺之約

試茶曾發山中使紫筍椿芽已過時今日文園人病渴

竹林疎雨夢幽期

懷湯張二子

改罷新詩獨自吟  
憶君不至意沈沈  
疎花對雨平欄靜  
芳草和煙古巷深

送蘇子升往萬川

荆門西去接夔門  
三峽波濤不可論  
一曲驪歌臨別酒  
楚雲巴樹總銷魂

又



采石江頭芳草萋  
娥眉碣畔曉猿啼  
扁舟穩泛桃花水  
好逐春風訪瀛西

凌霄花

百尺高藤樹杪懸  
朱英煜煜綴青煙  
夕陽似與矜顏色  
爛着丹霞媚遠天

天馬詞

萬里嚴風敝鐵衣  
二師初釋大宛圍  
漢家空却千羣馬  
始得流沙一騎歸

越溪柳

越王戍畔柳條春  
曾送鴟夷萬里行  
肯道西施無別恨  
翠眉今日效誰顰

其二

掠燕藏鶯覆碧潭  
絲牽縷結弱難堪  
可憐庾信多蕭瑟  
猶想春風似漢南

治平寺西園新筍

禪榻茶煙颺鬢絲  
紫苞犢角劖泥滋  
輕雲過雨南山碧

練鵲雙飛上竹枝

憶梅花作

城梅舊賞竹堂幽  
山寺楞伽花亦稠  
今日春風並寥落  
石屏驚夢到羅浮

城西遊乘月泛舟由胥江至西虹橋作

嬌歌宛轉醉花前  
歸去蘭橈漾錦川  
十里春城燈火接  
月明樓閣萬家煙

涼夜

明河流影散雲霞  
南斗離離北斗斜  
月色露華涼似水  
金螢飛墮玉簪花

金陵送客

紫鳳臺高飛綺塵  
柳條如帶綰離人  
勞勞亭下南遊路  
腸斷王孫碧草春

潤州舟行作


河洲春茁紫蘆芽  
綠水清暉弄客槎  
十日南風吹未息  
殘梅猶發短牆花

冬柳

大通街北竹橋西  
枯葉衰楊傍岸垂  
莫恨霜條今漸脫  
春風吹綠只移時

長門怨

少小憑恩出主家  
更憐金屋擅豪華  
長門亦是行宮地  
容易春風怨落花



石倉歷代詩選卷四百九十六